

Direktor Fondacije “Izvor nade“ Tarik Agetović posjetio Udruženje “Obrazovanje gradi BiH“



Direktor Fondacije “Izvor nade“ Tarik Agetović danas je posjetio Udruženje “Obrazovanje gradi BiH“, Sarajevo. Agetović je sa predstavnicima Udruženja razmijenio iskustva koja je Fondacija u svom sedmogodišnjem radu stekla te predočio konkretne prijedloge za buduću saradnju između navedenih organizacija.

Domaćin sastanaka, Jovan Divjak, izvršni direktor Udruženja, te njegovi saradnici Mehmed Agić, potpredsjednik UO, Edin Bećarević, sekretar Udruženja i Mersiha Turudija, projekt menadžer, prezentirali su rad Udruženja “Obrazovanje gradi BiH“ te iskazali spremnost na saradnju s rukovodstvom Fondacije “Izvor nade“.

Naglašeno je kako je u 22 godine djelovanja Udruženja stipendirano više od 6500 djece iz Bosne i Hercegovine. Pored navedenog realizirani su brojni humanitarni projekti koji su za cilj imali pomoć djeci a u planu su i novi projekti koji bi trebali biti dodatna pomoć učenicima i studentima u našoj zemlji.

Prvenstveno se to odnosi na izgradnju hostela za stipendiste Udruženja koji dolaze na studije u Sarajevo i uzgoj malina. Oba projekta imaju za cilj da se stvore radna mjesta za roditelje i djecu čiji su roditelji žrtve rata.

Direktor Agetović prezentirao je dosadašnje rezultate Fondacije, te domaćine upoznao s aktivnostima koje Fondacija trenutno provodi. Agetović je istakao kako Fondacije ove akademske godine stipendira skoro 300 srednjoškolaca i studenata, te da je za potrebe studenata 2012. godine sagrađen Studentski dom “Izvor nade“, kapaciteta 130 mjesta, sa svom pratećom infrastrukturom.

Na sastanku su dogovoreni i zajednički projekti koji će biti od pomoći učenicima i studentima, a u okviru planirane saradnje dogovorena je i uzvratna posjeta predstavnika Udruženja “Obrazovanje gradi BiH“ rukovodstvu Fondacije “Izvor nade“.